

Urbes.

Dividitur in Majorem sive Australem, & *Atropatiam* Septentrionalem. Hæc frigidior est, & idcirco minus culta. Urbs præcipua est *Sumachia*: sunt præterea *Derbent*, *Eres*, *Sechi*, & *Giavor*. Illa cultior est: Urbem habet *Taurim* positam ad Orontis radices, distantem a Mari Caspio octo dierum itinere. Ambitus eius pene xv i mill. pass. complectitur, quo spacio cc Civium millia contineri creduntur. Hæc sunt veterum *Echatarana*, ubi Persarum Reges ætate commorabantur. Eodem tractu terræ sunt *Turcoman*, *Sarn*, *Sulian*, *Nassivam*, *Ardovil*, *Marant*. *Assyria* quæ hodie *Arzerum*, ad Ortum habet Mediam: ad Occasum *Melopotamiæ*: Armenia illi Septentrionalis est, *Susiana* Australis. Provincias olim habuit *Arrapachitem*, *Adiabenam*, & *Sittacenam*: Urbem *Niniven* ad Tigrim, cuius ambitus lx mill. pass. complectebatur. *Susiana* hodie *Chus* vel *Cusistan* appellatur: nomen habet a *Sulis* urbe primaria, cuius ambitus xv mill. pass. quæ sic dicta a floribus, ut notat *Athanasius*: *Sulum* enim Persis *Lilium*. *Mesopotamia*, quæ in sacris *Padan Aram*, hodie dicitur *Diarbecha*, sita est inter *Euphratem* & *Tigrim*, unde & nomen, quasi *Interamna*. Regio est pro situ & tempore varia: partem flumina impingunt: pars arida est & sterilis, herbis arboribusque destituta. Urbes præcipuæ sunt, *Orsa*, cuius ambitus vi i mill. pass. & hac ipsa multo major *Caromit*. Metropolis *Mesopotamiæ*, quam *Selymus* Turcarum Imperator *Sophis* eripuit. *Merdin* sedes *Patriarchæ Chaldæorum*: & *Mosus* *Patriarchæ Nestorianorum*, cuius auctoritas ad *Indos* usque & *Cataium* extenditur. In *Perside* quam nunc *Farsi* vocant vel *Farsistum* urbs est primaria *Siras*, quæ olim dicta fuit *Persepolis*, regio quondam *Magorum* sedes. *Plinius* vocat *Persici Regni* caput, & *Regiam* totius *Orientis* *Curtius*. *Hircania* hodie *Girgiam* dicitur, vel *Corcā*, vel *Dargument*, proxima *Mari Caspio*, quod propterea etiam *Hircanum* appellatur. Urbes habet *Hircanam* quæ *Scythis* est *Carizath*, *Bestam*, & *Masandram*. *Margiana* quæ nunc *Isselbas* nominatur, ad *Septentrionem* *Oxo* fluvio terminatur. Urbs præcipua est *Iodion* quæ præcisè *Antiochia* fuit. *Bactriana* hodie *Batter* vel *Charassaa* est *Tartariæ* *Zagathæ* pars. Urbes sunt *Bactra* quæ nunc *Bochara* & *Issigias*. *Paropamissus* *Bactrianæ* pars est ad *Montem Paropamissum*. Hodie regio vocatur, *Candahar* vel *Amblestam*. Primaria urbs est *Candahar* *Emporium* celeberrimum. *Aria* quæ a *Metropoli* sua *Eri* omnis vocatur ambitum x i i mill. pass. habet. *Carmania*, *Circam*, vel *Chermain* ad *Mare Indicum* protenditur, usque ad *Gedrosiam*, urbibus & *Portibus* frequentibus. Metropolis est *Chirmain*. Sunt & in *Carmania* regna, *Macran*, *Eracā*, *Guadel* & *Patan*. *Gedrosia* nonnullis creditur esse *Guzarate* falso, quæ *Guzarate* sit ipsum regnum *Cambaiæ*. *Babylonia* inter *Sinum Persicum* & *Mesopotamiā* sita, dextra lævaque clauditur *Susiana* & *Arabia* deserta. Nomen habet a *Babylone* urbe primaria, Adheret ei *Chaldæa*. In *Chaldæa* *Vr* fuit, *Iosepho* *Vra*, unde *Dei* monitu *Abrahamus* in *Haran* *Mesopotamiæ* migravit. Multos habet hoc Regnum Fluvios, *Canac*, *Araxem* & *Cyrum*, qui *Mediæ* partem *Septentrionaliorem* abluunt: In *Assyria* *Tygrim*. In *Susiana* *Eneleum*: In *Mesopotamia* *Euphratem*: In *Margiana* *Oxum*, *Arium*, & *Margim*: In *Bactriana* *Ochum* navigabilem & alios: In *Aria* *Arium*, *Toncleum*, *Arapenem*: & alios. Nec desunt *Montes*, inter quos *Orontes* in

Flumina.

Montes.